

A Penyerekang ba pengampun. Mark 2:1-12.

- ❖ Lebuh Jesus pulai ngagai rumah Peter di Kapernaum, mayuh orang datai deka mendingka iya (*Mark 2:1-2*). Empat iku orang datai, ngambika Jesus ngeraika pangan sida, tang sida enda ulih datai semak ngagai iya. Laban sida enggau bebendar deka mai iya ngagai Jesus, sida lalu niki ngagai perabung ngaga lubang lalu ngulurka iya ke baruh. Jesus ke ngajar nyau baka ti dikachau, orang mayuh enda bemunyi, laban nganti nama ti deka digaga iya (*Mark 2:3-4*).
- ❖ “Anak, dosa nuan diampun” (*Mark 2:5*). Orang ke bajung engka deka nyebut: “Utai ke diguna aku nya bejalai.” Tang iya enda nyadi ngereja nya. Jesus udah ngeraika pun penyakit iya. Iya enda ngira sekalika iya agi ulih bejalai, laban utai ke dipeberatka iya pengampun ke ulih meri pengelantang.
- ❖ Ba sida pengajar adat, tu jaku busung. Dikena mandangka iya bisi kuasa pengampun, Jesus ngeraika orang ti sakit bajung (*Mark 2:8-11*).
- ❖ Orang mayuh muji Tuhan laban Jesus bisi kuasa ngampun dosa (*Mark 2:12; Mat. 9:8*). Orang sakit bajung bejalai; bala pengajar adat lalu mengkang buta, enda nemu Jesus ulih macha runding sida, ngampun orang bedosa, lalu meri iya penyuman.

B Penyerekang ba pemakai. Mark 2:13-22.

- ❖ Nadai tentu pedis berundingka penyerekang ke nyadi lebuh Lewi kena kangau (*Mark 2:13-14*). Ba orang Judah Orthodox, orang pengumpul chukai lebih agi jai ari orang kapir. Iya dianggap orang ke udah murtat ke dijual ngagai munsuh. Sida enda ulih negu iya tauka begulai makai enggau iya.
- ❖ Utai ke nyadi nyau lebih jai agi. Jesus ukai semuti makai ba rumah pengumpul chukai, iya nyau bekelingi enggau mayuh orang ti sebaka enggau Lewi (*Mark 2:15*). Bala pemantah lalu nadai muai peluang: “Nama kebuah iya begulai makai enggau pengumpul chukai sereta enggau orang ke bedosa?” (*Mark 2:16*).
- ❖ Jesus nulak penemu sida enggau chara ti lojik. Nama ke lebih beguna ari meri pengampun ngagai orang ti bedosa? (*Mark 2:17*). Iya ngasuh sida mansik diri empu. Sida enda tau enda belajarka pengerindu (*Mat. 9:12-13*).
- ❖ Anang ke sida belajarka pengerindu, nyau ngasuh sida meransang bala murid John sama enggau sida mantah: “Nama kebuah sida murid John Pemaptisa enggau sida murid orang Parisi bepasa, tang murid Nuan enda” (*Mark 2:18*).
- ❖ Jesus nyaut sida enggau sempama:
 - Sempama gawai tikah (*Mark 2:19-20*). Bakani orang ulih bepasa lebuh agi ngintu gawai tikah? Pengantin lelaki nya Jesus; pengabang nya bala murid. Lebuh Jesus mati lalu angkat idup baru, nya baru bala murid deka bepasa.
 - Sempama utai lama enggau utai baru (*Mark 2:21-22*). Ajar Jesus ke idup nadai endur ba ajar tradisi ke udah mati.

C Penyerekang ba Hari Sabat. Mark 2:23-3:6.

- ❖ Orang Parisi ngajar 39 bengkah bansa pengawa ke ngelanggar Sabat ke ditetapka Tuhan.
- ❖ Lebuh sida ngambi gandum lalu ngupak kulit iya, bala murid udah ngereja tiga bengkah pengawa ke ditagang lebuh hari Sabat: ngetau, ngisar enggau nampi (*Mark 2:23-24; Mat. 12:1-2*).
 - Saut Jesus: “kati kita enda ingat lebuh David lapar, iya makai roti kudus ke semina ulih dipakai bala imam aja? (*Mark 2:25-26*).
- ❖ Lepas nya Jesus ngereja pengawa ke enda disengkaumka ba 39 ke ditagang, taja pia dianggap ngelanggar Sabat mega: ngerai (*Mark 3:1-3*).
 - Saut Jesus: “Ni utai ti patut dikereja kitai lebuh hari Sabat, ngereja utai ti manah tauka utai ti jai; ngidupka nyawa tauka munuh” (*Mark 3:4*).
- ❖ Nya alai, Jesus meh ti Tuhan hari Sabat, hari nya diberi unggup ke pemanah kitai (*Mark 2:72-28*).
- ❖ Utai ti nyelai ditu, laban orang ti gagit amat deka ngintu hari sabat nyau merambu deka munuh (*Mark 3:6*).

D Penyerekang penemu pasal Jesus:

- ❖ Ngena kuasa nama iya ngaga ajih? Mark 3:22-30.

- Mark ngepunka cherita iya enggau sida Jesus sebilik, cherita nya dikachau kategal penyerekang enggau orang Parisi. Lepas nya baru iya pulai ngagai cherita keterubah. Jalai cherita ke baka nya selalu dikenya Mark lebuh ngerakit dua iti cherita, ke nerangka cherita ba tengah lebih beguna agi.
 - (1) *Mark 3:20-21*. Sida Jesus sebilik ngiga iya.

(2) Mark 3:22-30. Jaku bantah orang Parisi.

(3) Mark 3:31-35. Sida Jesus sebilik ngiga Iya.

- Nya alai ditu, cherita ke beguna ianya jaku bantah bala pengajar adat ba kuasa nama ke dikenakan Jesus muru antu (*Mark 3:22*).
- Sekali agi Jesus ngena sempama nerangka pemalui jaku bantah orang ngagai Iya (*Mark 3:23-27*). Jesus tama ngagai rumah orang ti kering (Sitan), nanchang iya ngambika reta iya ulih dirampas (ngelepaska orang ke dirasuk).
- Pekara tu meri jaku tangkan ba penyai ke tau datai ari ngumbai pengawa ke digaga Roh Kudus nya pengawa antu (*Mark 3:28-30*).

❖ **Kati Jesus gila? Mark 3:20-21, 31-35.**

- Nama ke ngasuh sida Jesus sebilik ngumbai Iya gila (*Mark 3:20-21*)?
- Lepas nyelitka jaku pandak, Mark agi nampung cherita, nyebut bala Jesus ke ngiga Iya: lanya Indai enggau bala menyadi Iya (*Mark 3:31*).
- Jesus ti kurang pengibuh enggau sida sebilik! (*Mark 3:32-33*).
- Diakal ari utai ke dipeda. Indai enggau bala menyadi Jesus enda betul. Ngelengkaka pengawa kategal pengibuhka sida deka ngerusakka misi Iya enggau ngerusak sida sida.
- Utai ke lebih agi beguna ari kaul dunya meh kaul Jesus enggau ruang-bilik rohani Iya: “Barang sapa ngereja peneka Allah Taala, nya meh menyadi lelaki, menyadi indu, enggau indai Aku” (*Mark 3:35*).